

Deporte Local

Pueblo di Aruba a biba cu e deportistanan durante e hazañanan di 2018



ni nos comunidad pa un dia". Esaki ta loke tur hende den nos comunidad a comenta despues di e fecha 11 di November unda e cinco landadonan Arubano, De-axo Croes, Stephan Thijsen, Romar Arendsz, Davy Bisslik y e unico dama Gwendolin Kock a marca historia despues di a tuma e reto y corahe pa landa di Venezuela pa Aruba tur esaki pa un bon causa.

Shariska Winterdal a cumpli cu e hazaña di 500km.

E multi atleta Arubano, Shariska Winterdal a sali di Linear Park pa despues di 24 ora y 29min e regresa bek na e mesun caminda cu e la inicia cu un di e hazaña nan mas historico riba nos isla. Hunto cu su crew Shariska a core un total di 500km cual tabata 5 ronchi di Aruba riba su bicicleta. El a pasa den tur barrio unda hendenan a aplaudi e bunita gesto aki. Na su yegada na Linear Park tabata dificil pa hopi presente contene nan emocion y lagrimanan. Tabata un momento di historia caminda tur hende a brasa otro y felicita pa e tremendo esfuerzo y trabou di ekipo. Mas cu claro Shariska a dedica e hazana aki na e dos muchanan huerfano na kende Stichting Frank Polanco lo haci e donacion recauda.

IRONMAN: ROMAR ARENDSZ

Romar den Crossing For Hope

Hunto cu 4 otro landado Romar a tuma e reto pa landa e distancia di 30km for di Venezuela bini Aruba. Un hazaña cu e carga e apodo di Crossing For Hope pa un bon causa. Romar a landa casi 36km pa e por a yega su isla den 10 ora den nos lama.

Romar den Ultra Ragnar SoCal

Un di 2 lugar pa Team Aruba den e 300km Reebok Ultra Ragnar SoCal na Southern California. Un tremendo prestacion di nos coredor nan di Aruba den e weekend ultimo cu e no menos cu 300km cori den e Ragnar Relay Race. Un di dos lugar den hopi participante ta bisa tur cos. Mas aun e lesion di Romar Arendz a pone cu e demas coleganan coredor mester a cubri e extra kilometrahe y a hasi esaki den bon forma respaldando nan colega Romar. Cueste loke cueste e careda mester a wordo finalisa. Romar a core un trayectoria cu un lesion basta pisa na su enkel, pero no kier a laga su coleganan na caya. Asina mes un di dos lugar a wordo logra. Hunto cu coleganan Melvin Dabian, Al Kock, Marcio Lopes Ribeiro, Ricky Refunjol y Joaquin van Trigt Romar den 75km di Ronde van Aruba

E aña aki Romar Arendsz a dicidi di core e 75km di e Ronde van Aruba su so. Apoya pa su team e multi atleta Arendsz a presta formidable y a sa na logra un

tremendo resultado final. E trayectoria di Ronde van Aruba sigur no ta uno facil, e reto ta uno grandisimo mientras e oranan na pia ta riba 7 a 8 ora.

Romar den otro eventonan Na banda di e 3 eventonan aki riba menciona, e multi atleta Romar Arendsz a logra complete e International Triathlon Curacao y International Triathlon Aruba. E la core e 42km di e Marathon Miami, e 21km di e Half Marathon Aruba y e Aruba KLM Marathon.

IRONMAN: LARS STOLK

Otro multi atleta cu tambe e logra dos tremendo presentacion den dos evento extremo ta Lars Stolk cuu e participa den e Alaskaman Extreme Triathlon y Patagonman.

Alaskaman Extreme Triathlon

Prome Lars Stolk ta logra finalisa Alaskaman Extreme Triathlon 2018 den un tempo di

16 ora, 25 minuut y 33 seconden. Lars a logra termina na di 43 lugar di 187 participante.

Patagonman na Chile.

Lars a participa den e Patagonman na Chile, un race cu a cuminsa cu 1 ora y 22 minuut landa den un awa super friu pa sigui cu un 180km riba bicicleta cu tabata feroz cu un subida di 2.600m. Den 7 ora y 27 minuut, Lars a completa e 180km bike. Despues mester a core e marathon incluy-



endo dos cruse di rivier. Apesar di a crash despues di 30km asina mes Lars a sigui cu su careda cu rudia afecta unda a finalisa den 5 ora y 45 minuut.

Asina mes e la finalisa de un tempo final di 15:02:22, y un di 102 lugar di 215 participante.

Dos hazaña di 16ora riba

ruta cual sin duda no ta nada facil.

Telefonnan di DIARIO
Tel: 582 6747
Fax: 582 8551